



紀第三

周書三

孝閔帝

令狐 德棻 等撰

孝閔皇帝諱覺字陀羅尼太祖第三子也母曰元皇后大統八年生於同州官舍九歲封略陽郡公時有善相者史元華見帝退謂所親曰此公子有至貴之相但恨其壽不足以稱之耳魏恭帝三年三月命爲安定公世子四月拜大將軍十月乙亥太祖崩景子嗣位太師大冢宰十

二月丁亥魏帝詔以岐陽之地封帝為周公庚子禪位于帝詔曰子聞皇天之命不于常惟歸于德故堯授舜舜授禹時其宜也天厭我魏邦垂變以告惟爾罔弗知予雖不明敢弗龍興天命格有德哉今踵唐虞舊典禪位于周庸布告遐邇焉使大宗伯趙貴持節奉冊書曰咨爾周公帝王之位弗有常有德者受命時乃天道予式時庸荒求于唐虞之舜踵曰我魏德之終舊矣我邦小大罔弗知今其可久怫于天道而不歸

有德歟時用詢謀僉曰公昭考文公格勲德于天地丕濟生民洎公躬又宣重光故玄象徵見于上謳訟奔走于下天之歷數用實在焉予安敢弗若是以欽祗聖典遜位于公公其享茲大命保有萬國可不慎歟魏帝臨朝遣民部中大夫濟北公元迪致皇帝璽紱固辭公卿百辟勸進太史陳祥瑞乃從之是日魏帝遜于大司馬府元年春正月辛丑即天王位柴燎告天朝百官于路門追尊皇考文公為文王皇妣為文后

大赦天下封魏帝為宋公是日槐里獻赤雀四
百官奏議云帝王之興罔弗更正朔明受之於
天革民視聽也遠于尼父稽諸陰陽云行夏之
時後王所不易今魏曆告終周室受命以木承
水寔當行錄正用夏時式遵聖道惟文王誕玄
氣之祥有黑水之讖服色宜烏制曰可以大司
徒趙郡公李弼為太師大宗伯南陽公趙貴為
太傅大冢宰大司馬河內公獨孤信為大保大宗
伯柱國中山公護為大司馬以大將軍寧都公

紀第四

周書四

明帝

人狐

德棻

等撰

世宗明皇帝諱毓小名統萬突太祖長子也母
曰姚夫人永熙三年太祖臨夏州生帝於統萬城
因以名焉大統十四年封寧都郡公十六年行華
州事尋拜開府儀同三司宜州諸軍事宜州刺
史魏恭帝三年授大將軍鎮隴右孝閔帝踐
祚進位柱國轉岐州諸軍事岐州刺史治有美

政初民懷之及孝閔帝廢晉公護遣使迎帝
於歧州秋九月癸亥至京師止于舊邸甲子羣
臣上表勸進備法駕奉迎帝固讓羣臣固請
是日即天王位大赦天下之丑朝羣臣於延壽殿
冬十月癸酉太師趙國公季弼薨己卯以大將
軍昌平公尉遲綱為柱國乙酉祠圓丘景戌祠
方丘甲午祠太社柱國陽平公李遠賜死是月
梁相陳霸先廢其主蕭方智而自立是為陳
武帝十月庚子祠太廟丁未祠圓丘丁巳詔曰
刺史為雍州牧京兆郡守為京兆尹以廣業未脩
城二郡置康州葭蘆郡置文州戊申長安獻白
雀庚申詔曰三十六國九十九姓自魏氏南徙皆
稱河南之民今周室既都關中宜改稱京兆人
夏四月己巳以太師晉公護為雍州牧庚午熒
惑入軒轅辛未降死罪一等五歲刑己下皆原
之甲戌王后獨孤氏崩甲申葬敬后五月乙
未以大司空梁國公侯莫陳崇為大宗伯六月
癸亥嘽達遣使獻方物己巳板授高年刺史守

令恤鰥寡孤獨各有差分長安為萬年縣並
治京城辛未幸昆明池壬申長安獻白鳥遣使
分行州郡理囚徒察風俗掩骼埋胔秋七月甲
午遣柱國寧蜀公尉遲迥率眾於河南築不安樂
城景申順陽獻三足鳥八月甲子羣臣上表稱
慶詔曰夫天不愛寶地稱表瑞莫不威鳳巢
閣圖龍躍沼豈直日月珠連風雨玉燭是以鈞
命決曰王者至孝則出元命苞曰人君至治所有
虞舜烝烝來茲與趾周文翌異異翔此靈禽文考

哉如此之徒有司勿為推究惟庫廩倉廩與海
內所共漢帝有云朕為天下守財耳若有侵盜
公家財畜錢粟者魏朝之事年月既遠一不須
問自周有天下以來雖經赦宥而事跡可知者
有司宜即推窮得實之日但免其罪徵備如法
賀蘭祥攻拔洮陽洪和二城吐谷渾遁走閏月
庚申高昌遣使獻方物六月戊子大雨霖詔曰
昔唐咨四嶽殷告六眚覩災興懼咸宣時雍朕
撫運應圖作民父母弗敢忘荒以求民瘼而霖

兩作冷害麥傷苗墮屋漂垣洎于氏昏執諒朕
不德蒼生何咎刑政所失罔識厥由公卿大夫士
爰及牧守黎庶等今宜各上封事讜言極諫罔
有所諱朕將覽察以荅天譴其遭水者有司
可時巡檢條列以聞庚子詔曰潁川從我是曰元
勳無忘父城實起王業文考屬天地草昧造化
權輿拯彼橫流匡茲頽運賴英賢盡力文武同
心翼贊大功克隆帝業而被堅執銳櫛風沐雨
永言疇昔良用憮然至若功成名遂建國剖符

子惟休也其有致死王事妻子無歸者朕其傷
之凡是從先王向夏州發夏州從來見在及薨
亡者並量賜錢帛稱朕意焉是月陳武帝薨
兄子蒨立是謂文帝八月己亥改天王稱皇帝追
尊文王為帝大赦改元壬子以大將軍安城公憲
為益州摠管癸丑增御正四人位上大夫九月乙卯
以大將軍天水公廣為梁州摠管辛未進封輔
城公邕為魯國公安城公憲為齊國公秦郡公直
為衛國公正平公招為趙國公封皇弟儉為譙國

公純為陳國公盛為越國公達為代國公通為冀國公迥為滕國公進封天水公廣為蔡國公高陽公達奚武為鄭國公武陽公丘盧寧為楚國公博陵公賀蘭祥為涼國公寧蜀公尉遲迥為蜀國公化政公宇文貴為許國公陳留公楊忠為隨國公昌平公尉遲綱為吳國公武威公王雄為庸國公邑各萬戶冬十月甲午以柱國吳國公尉遲綱為涇州摠管是月齊文宣帝薨子殷嗣立以柱國蜀國公尉遲迥為秦州摠管

紀第五

周書五

武帝上

令狐

德棻

等撰

高祖武皇帝諱邕字彌羅突太祖第四子也母曰叱奴太后大統九年生於同州有神光照室幼而孝敬聰敏有器質太祖異之曰成吾志者必此兒也年十二封輔城郡公孝閔帝踐祚拜大將軍出鎮同州世宗即位遷柱國授蒲州諸軍事蒲州刺史武成元年入為大司空治御正進封

魯國公領宗師甚爲世宗所親愛朝廷大事多
共參議性沉深有遠識非因顧問終不輒言世
宗每歎曰夫人不言必有中武成二年夏四月
世宗崩遺詔傳帝位於高祖高祖固讓百官勸
進乃從之壬寅卽皇帝位大赦天下冬十二月改
作露門應門是歲齊常山王高演廢其主殷而
自立是爲孝昭帝

保定元年春正月戊申詔曰寒暑丞周奄及徂
歲改元命始國之典章朕祇承寶圖宜遵故實
可改武成二年爲保定元年嘉號旣新惠澤宜
布文武百官各增四級以大象宰晉國公護爲
都督中外諸軍事令五府摠於天官庚戌祠圓
丘壬子祠方丘甲寅祠感生帝於南郊乙卯祠太
社辛酉突厥遣使獻其方物戊辰詔曰履端開
物寔資元后代終成務諒惟宰棟故周文公以
上聖之智翼彼姬周爰作六典用光七百自茲
厥後代失其緒俾魏魏之化歷千祀而莫傳郁
郁之風終百王而永墜我太祖文皇帝稟純和

之氣挺天縱之英德配乾元功侔造化故能捨
末世之弊風蹈隆周之叡典誕述百官厥用允
集所謂乾坤改而重構豈帝王洪範而已哉朕
入嗣大寶思揚休烈今可班斯禮於太祖廟庭
己巳祠太廟班太祖所述六官焉癸酉吐谷渾
高昌並遣使獻方物甲戌詔先經兵戎官年六
十已上及民七十以上節級板授官乙亥親耕籍
田景子大射於正武殿賜百官各有差二月己卯
遣大使巡察天下於洮陽置洮州甲午朝日於
東郊乙未突厥宕昌並遣使獻方物景午省輦
輦去百戲弘農上言九尾狐見二月景寅改八丁
兵爲十二丁兵率歲一月役夏四月景子朔日有
食之庚寅少傅吳公尉遲綱爲大司空丁酉白
蘭遣使獻犀甲鐵鎧五月景午封孝閔皇帝子
康爲紀國公皇子贊爲魯國公晉公護獲玉斗
以獻戊辰突厥龜茲並遣使獻方物六月乙酉
遣治御正殷不害等使於陳秋七月戊申詔曰亢
旱歷時嘉苗殄悴豈獄犴失理刑罰乖衷歟其

之氣挺天縱之英德配乾元功侔造化故能捨
末世之弊風蹈隆周之叡典誕述百官厥用允
集所謂乾坤改而重構豈帝王洪範而已哉朕
入嗣大寶思揚休烈今可班斯禮於太祖廟庭
巳巳祠太廟班太祖所述六官焉癸酉吐谷渾
高昌並遣使獻方物甲戌詔先經兵戎官年六
十巳上及民七十以上節級板授官乙亥親耕籍
田景子大射於正武殿賜百官各有差二月己卯
遣大使巡察天下於洮陽置洮州甲午朝日於

東郊乙未突厥宿昌並遣使獻方物景午省輦
輦去百戲弘農上言九尾狐見三月景寅改八丁
兵爲十二丁兵率歲一月役夏四月景子朔日有
食之庚寅以少傅吳公尉遲綱爲大司空丁酉白
蘭遣使獻犀甲鐵鎧五月景午封孝閔皇帝子
康爲紀國公皇子贊爲魯國公晉公護獲玉斗
以獻戊辰突厥龜茲並遣使獻方物六月乙酉
遣治御正殷不害等使於陳秋七月戊申詔曰亢
旱歷時嘉苗殄悴豈獄犴失理刑罰乖衷歟其

熒惑犯太微上將合焉十一月乙巳以大將軍衛國
公直為雍州牧陳遣使來聘進封柱國廣武公
竇熾為鄧國公丁巳狩於歧陽是月齊孝昭帝
薨弟長廣王湛代立是為武成帝十二月壬午至
自歧陽是歲追封皇族祖仲為虞國公

二年春正月壬寅初於蒲州開河渠同州開龍
首渠以廣漑灌丁未以陳主弟瑱為柱國送還
江南閏月己丑詔柱國以下帥都督以上母妻授
太夫人夫人郡君縣君各有差矣己太白入昴己

亥柱國大司馬涼國公賀蘭祥薨洛州民周其
妖言惑衆假署將相事發伏誅二月壬寅熒惑
犯太微上相癸丑以久不雨降宥罪人京城三十里
內禁酒梁主蕭詧薨以大將軍蔡國公廣爲秦
州摠管三月壬午熒惑犯左執法夏四月甲辰禁
屠宰旱故也丁巳南陽獻三足烏湖州上言見
二白鹿從三角獸而行己未於伏流城置和州
癸亥詔曰比以寇難猶梗九州未一文武之官立
功勳者雖錫以茅土而未給租賦諸柱國等勲

德隆重宜有優崇各准別制邑戶聽寄食他縣
五月庚午以山南衆瑞並集大赦天下百官及軍
人普汎二級南陽宛縣三足烏所集免今年役
及租賦之半壬辰以柱國隨國公楊忠爲大司
空吳國公尉遲綱爲陝州摠管六月己亥以柱國
蜀國公尉遲迥爲大司馬邵國公會爲蒲州摠
管分山南荊州安州襄州江陵爲四州摠管秋
七月己巳封開府賀拔緯爲霍國公乙亥太白
犯輿鬼九月戊辰朔日有蝕之陳遣使來聘冬

十月戊戌詔曰樹之元首君臨海內本乎宣明教化亭毒黔黎豈唯尊貴其身侈富其位是以唐堯踈葛之衣麤糲之食尚臨汾陽而永歎登姑射而興想況無聖人之德而嗜欲過之何以克厭衆心處于尊位朕甚慙焉今巨寇未平軍戎費廣百姓空虛與誰爲足凡是供朕衣服飲食四時所須爰及宮內調度朕今手自減削縱不得頓行古人之道豈曰全无庶幾凡爾百司安得不思省約勗朕不逮者哉辛亥帝御大武

殿大射公卿列將皆會戊午講武於少陵原分南寧州置恭州十月丁卯以大將軍衛國公直大將軍趙國公招並爲柱國又以招爲益州摠管壬午熒惑犯歲星於危南十二月益州獻赤烏三年春正月辛未改光遷國爲遷州乙酉太保梁國公侯莫陳崇賜死壬辰於乞銀城置銀州二月庚子初頒新律辛丑詔魏大統九年以前都督以上身亡而子孫未齒叙者節級授官渭州獻三足烏辛酉詔曰二儀創闢玄象著明三

才已備曆數昭列故書稱欽若敬授易序治曆
明時此先代一定之典百王不易之務伏惟太祖
文皇帝敬順昊天憂勞庶政曆序六家以陰陽
爲首泊予小子弗克遵行惟斯不安夕惕若厲
自頃朝廷權輿事多倉卒乖和爽序違失先
志致風雨僛時疾厲屢起嘉生不遂萬物不昌
朕甚傷之自今舉大事行大政非軍機急速皆
宜依月令以順天心三月乙丑朔日有蝕之景予
宥昌遣使獻生猛獸二詔放之南山乙酉益州獻

三足鳥夏四月乙未以柱國鄭國公達奚武爲
太保大將軍韓果爲柱國己亥帝御正武殿錄
囚徒癸卯大雩癸丑有牛足生於背戊午幸太
學以太傅燕國公于謹爲三老而問道焉初禁
天下報讎犯者以殺人論壬戌詔百官及民庶
上封事極言得失五月甲子朔避正寢不受
朝旱故也甲戌雨秋七月戊辰行幸原州庚午
陳遣使來聘丁丑幸津門問百年賜以錢帛又
賜高年板職各有差降死罪一等八月丁未改

作露寢九月甲子自原州登隴山熒惑犯太微
上將景戌幸同州戊子詔柱國楊忠率騎一萬
與突厥伐齊己丑蒲州獻嘉禾異畝同穎初令
世龍袁州郡縣者改爲五等爵州封伯郡封子縣
封男冬十月壬辰熒惑犯左執法乙巳以開府
祀國公亮爲梁州摠管庚戌陳遣使來聘十有
二月辛卯至自同州遣太保鄭國公達奚武率
騎二萬出平陽以應楊忠是月有人生子男而
陰在背後如尾兩足指如獸爪有大生子畧以
後分爲二身兩尾六足

四年春正月庚申楊忠破齊長城至晉陽而還
二月庚寅朔日有蝕之甲午熒惑犯房右驂三
月己未熒惑又犯房右驂庚辰初令百官執笏
夏四月癸卯以柱國鄧公實熾爲大宗伯五月
壬戌封世宗長子賢爲畢國公丁卯突厥遣使
獻方物癸酉以大將軍安武公李穆爲柱國丁
亥改禮部爲司宗大司禮爲禮部大司樂爲樂
部六月庚寅改御伯爲納言秋七月戊午粟特

遣使獻方物戊寅焉者遣使獻名馬八月丁亥
朔日有蝕之詔柱國楊忠率師與突厥東伐至
北河而還戊子以柱國齊公憲為雍州牧許國
公宇文貴為大司徒九月丁巳以柱國衛國公直
為大司空封開府李諱為唐國公若干鳳為徐
國公陳遣使來聘是月以皇世母閻氏自齊至
大赦天下閏月巳亥以大將軍韋孝寬大將軍
長孫儉並為柱國冬十月癸亥以大將軍陸通
大將軍宇文盛蔡國公廣並為柱國甲子詔大
威為柱國秋七月戊寅築武功郡斜谷武都留
谷津坑諸城以置軍人壬午詔諸胄子入學但
束脩於師不勞釋奠釋奠者學成之祭自今
即為恒式八月巳未詔諸有三年之喪或負土
成墳或寢苦骨立志一行可稱揚者仰本部
官司隨事言上當加弔勉以勵薄俗九月乙亥
信州蠻冉令賢具向五子王反詔開府陸騰討平
之冬十月乙卯太白晝見經天甲子初造山雲
儻以備六代之樂十一月景戌行幸武功等新

城十二月庚申還宮

二年春正月癸酉朔日有蝕之己亥親耕籍田
三月癸酉改武遊園為道會苑丁亥初立郊丘
壇壝制度夏四月乙巳省東南諸州以潁州歸
州澶州均州入唐州油州入純州鴻州入淮州洞
州入湖州睢州入襄州憲州入昌州以大將軍
陳國公純為柱國五月壬申突厥吐谷渾安息
並遣使獻方物丁丑進封柱國安武公李穆為
申國公己丑歲星與熒惑合於井六月辛亥尊

所生叱奴氏為皇太后甲子月入畢閏月庚午地
震戊寅陳湘州刺史華皎率衆來附遣襄州總
管衛國公直率柱國綏德公陸通大將軍田弘
權景宣元定等將兵援之因而南伐壬辰突將
軍譙國公儉為柱國丁酉歲星太白合於柳戌
戌襄州上言慶雲見秋七月辛丑梁州上言鳳
凰集於楓樹羣鳥列侍以萬數甲辰立露門學
置生七十二人庚戌太白犯軒轅壬子以太傅燕
國公子謹為雍州牧九月衛國公直等與陳將

淳于量吳明徹戰於沌口王師失利元定以步騎
數千先度遂沒江南冬十月辛卯日出入時有
黑氣一大如盃在日中申午又加一焉經六日乃滅
十一月戊戌朔日有蝕之癸丑太保許國公宇文
文貴益死

三年春正月辛丑祠南郊二月丁卯幸武功丁
亥還宮三月癸卯皇后阿史那氏至自突厥甲

辰大赦天下亡官失爵並聽復舊丁未大會百
寮及四方賓客於路寢賜衣馬錢帛各有差甲

寅以柱國陳國公純為秦州總管長蔡國公廣為
陝州總管戊午太

國燕國公于謹薨乙未

太白犯井北軒第一星夏四月辛巳以太保鄭國
公達奚武為太傅六司馬蜀國公尉遲迥為太保
柱國齊國公憲為大司馬太白入輿鬼犯積尸五月
庚戌祠太廟庚申行幸醴泉宮六月甲戌有星
孛於東井北行一月至輿鬼乃滅秋七月壬寅柱
國陳國公楊忠薨戊午至自醴泉宮己未客星
見房漸東行入天市犯營室至奎四十餘日乃

滅八月乙丑韓國公元羅維薨齊請和親遣使來
聘詔軍司馬陸逞兵部尹公正報聘焉癸酉帝
御大德殿集百僚及沙門道士等親講禮記九
月庚戌太白與鎮星合於角冬十月癸亥祠太廟
丙戌太白入氐丁亥上親率六軍講武於城南京
邑觀者輿馬彌漫數十里諸蕃使咸在焉十一月
壬辰朔日有蝕之甲辰行幸岐陽壬子遣開府
崔彥穆小賓部元暉使於齊甲寅陳安成王頊
廢其主伯宗而自立是為宣帝十二月丁丑至自
岐陽是月齊武成帝薨

四年春正月辛卯朔廢朝以齊武成薨故也遣
司會河陽公李綸等會葬於齊仍弔賻焉二月
癸亥以柱國昌寧公長孫儉為夏州摠管戊辰
帝御大德殿集百僚道士沙門等討論釋老義
歲星逆行掩太微上將庚午有流星大如斗出左
攝提流至天津滅後有聲如雷夏四月己巳齊
遣使來聘五月己丑帝制象經成集百僚講說
封魏廣平公子元謙為韓國公以紹魏後庚戌

行幸醴泉宮丁巳柱國吳國公尉遲綱薨六月
築原州及涇州東城秋七月辛亥至自醴泉宮
丁巳突厥遣使獻馬八月庚辰盜殺孔城防主
以其地入齊九月辛卯遣柱國齊國公憲率衆
於宜陽築崇德等城冬十一月辛亥柱國昌寧
公長孫儉薨十二月壬午罷隴州

五年春二月己巳邵惠公顥孫胄自齊來歸改
邵國公會為譚國公封胄為邵國公三月辛卯
進封柱國韋孝寬為鄭國公甲辰初令宿衛官
仕關外者將家累入京不樂者解宿衛夏四月
甲寅以柱國宇文盛為大宗伯行幸醴泉宮省
帥都督官景寅遣大使巡天下以陳國公純為陝
州摠管六月壬辰封開府梁睿為蔣國公庚子
降宥罪人并免逋租懸調等以皇女生故也七月
鹽州獻白兔乙卯至自醴泉宮辛巳以柱國譙
國公儉為益州摠管九月己卯太白歲星合於亢
冬十月辛巳朔日有蝕之景戌太白鎮星合於氐
丁酉太傅鄭國公達奚武薨十一月乙丑追封章

孝公遵爲豳國公以蔡國併於豳丁卯柱國豳國
公廣薨十二月癸巳大將軍鄭恪率師平越雋
置西寧州是冬齊將斛律明月寇邊於汾北築
城自華谷至於龍門

六年春正月己酉朔廢朝以露門未成故也詔
柱國齊國公憲率師禦斛律明月丁卯以大將軍
張掖公王傑譚國公會鴈門公田弘魏國公季暉
等並爲柱國二月己丑夜有蒼雲廣三尺許經天
自戌加辰三月己酉齊國公憲自龍門度河斛律

宮羅綺工人五百餘冬十月壬午翼國公通薨
乙未遣右武伯谷會琨御正蔡斌使於齊壬寅
上親率六軍講武於城南十一月壬子以大將軍
梁國公侯莫陳芮大將軍李意並爲柱國景辰
齊遣使來聘丁巳行幸散關十二月己丑還宮是
冬牛大疫死者十六

建德元年春正月戊午帝幸立都觀親御法座
講說公卿道俗論難事畢還宮降死罪及流罪
一等其五歲刑已下並宥之二月癸酉遣大將軍

昌城公孫深使於突厥司宗李祭小賓部賀遂
禮使於齊乙酉柱國安義公宇文立薨三月癸
卯朔日有蝕之齊遣使來聘景辰誅大冢宰晉
國公護護于柱國譚國公會會弟大將軍莒國
公至宗業公靜并柱國侯伏侯龍恩龍恩弟大
將軍萬壽大將軍劉勇等大赦改元罷中外府
癸亥以大傅蜀國公尉遲迴為太師柱國鄧國
公竇熾為太傅大司空申國公李穆為太保齊
國公憲為大冢宰衛國公直為大司徒趙國公

招為大司空柱國抱罕公辛威為大司寇綏德
公陸通為大司馬詔曰民亦勞止則星動於天作
事不時則石言於國故知為政欲靜靜在寧民
為治欲安安在息役頃興造無度徵發不已加
以頻歲師旅農畝廢業去秋災蝗年穀不登民
有散亡家空杼軸朕每旦恭已夕惕兢懷自今
正調以外無妄徵發庶時殷俗阜稱朕意焉夏
四月甲戌以代國公達勝國公道並為柱國詔荆
州安州江陵等摠管停隸襄州己卯以柱國張

掖公王傑為涇州摠管魏國公李暉為梁州摠
管詔公卿以下各舉所知遣工部代公達小禮部
辛彥之使於齊景戌詔百官軍民上封事極言
得失丁亥詔斷四方非常貢獻庚寅追尊略
陽公為孝閔皇帝癸巳立魯國公斌為皇太子
大赦天下百官各加封級五月封衛國公直長
子賓為莒國公紹莒壯公洛生後壬戌帝以大旱
集百官於庭詔之曰盛農之節亢陽不雨氣序
愆戾蓋不徒然豈朕德薄刑賞乖中歟將公卿

斌撫巡西土壬戌遣司會侯莫陳凱太子宮尹鄭
譯使於齊熒惑犯輿鬼入積尸省雍州內八郡
併入京兆馮翊扶風咸陽等郡三月己卯皇太
子於岐州獲二白鹿以獻詔答曰在德不在瑞
癸巳省六府諸司中大夫以下官府置四司以下
大夫為之官長上士貳之夏四月己亥祠太廟
景辰增改東宮官員五月丁卯熒惑犯右執法
丁丑以柱國周昌公侯莫陳瓊為大宗伯榮陽
公司馬涇難為大司寇上庸公陸騰為大司空

六月庚子省六府員外諸官皆為丞甲辰月犯
心中星壬子皇孫行生文武官普加一階大選
諸軍將帥景辰帝御露寢集諸軍將勛以戎
事庚申詔諸軍旌旗皆畫以猛獸執鳥之象秋
七月己巳祠太廟自春末不雨至於五月壬申
集百寮於大德殿帝責躬罪已問以治政得失
戊子雨八月景午改三夫人為三妃關內大蝗九
月乙丑陳遣使來聘癸酉太白犯右執法戊寅
以柱國鄭國公達奚震為金州摠管詔曰政在

自雲陽宮癸酉皇太后叱奴氏崩帝居倚廬朝
夕共一溢米羣臣表請累旬乃止詔皇太子贊
摠釐庶政夏四月乙卯齊遣使弔贈會葬丁巳
有星孛於東北紫宮垣長七尺五月庚申葬文宣
皇后於永固陵帝袒跣至陵所辛酉詔曰齊斬
之情經籍彝訓近代沿革遂亡斯禮伏奉遺令
既葬便除攀慕凡筵情實未忍三年之喪達
於天子古今無易之道王者之所常行但時有
未諧不得全制軍國務重庶自聽朝縗麻之節

苦廬之禮率遵前典以申罔極百寮以下宜依
遺令公卿上表固請俯就權制過葬即吉帝不
許引古禮答之羣臣乃止於是遂申三年之制五
服之內亦令依禮初置太子諫議員四人文學
十人皇弟皇子友員各二人學士六人丁卯荊州
獻白鳥戊辰詔故晉國公護及諸子並追復先
封改葬加謚景子初斷佛道二教經像悉毀罷
沙門道士並令還民并禁諸淫祀禮典所不載
者盡除之六月丁未集諸軍將教以戰陣之法

乏絕者令向郿城以西及荊州管內就食甲寅
行幸蒲州乙卯曲赦蒲州見囚大辟以下景辰
行幸同州始州民王鞅擁衆反大將軍鄭恪討
平之十一月戊午以柱國大司空上庸公陸騰爲
涇州摠管于闐遣使獻名馬己巳大閱於城
東甲戌至自同州十二月戊子大會衛官及軍
人以上賜錢帛各有差辛卯月掩太白詔荆襄
安延夏五州摠管內有能率其從軍者授官各
有差其貧下戶給復三年景甲改諸軍軍士並

為侍官丁酉利州上言騶虞見癸卯集諸軍講
武於臨臯澤涼州比年地震壞城郭地裂涌泉出

紀第五

周書五



